

Nakorsaasiussanut allattuiffiit aamma nakorsaatissanut allagartat pillugit Namminersornerullutik Oqartussat nalunaarutaat

Nakorsaatit pillugit inatsisartut peqqussutaanni nr. 1-imi 12. maj 2005-imeersumi § 16, imm. 3, naapertorlugu aalajangersarneqarput:

Atuuffia

§ 1. Nalunaarummi aalajangersakkat inunnik nakorsaatissiisarnermi taamaallaat atuupput.

Nalunaajarneqarnera uppersaasussaataitaanerlu

§ 2. Nakorsaatissiineq imatut paasineqassaaq pisumi aalajangersimasumi napparsimasumut aalajangersimasumut nakorsaammik aalajangersimasumik atuinissaq pillugu aalajangerneq. Aalajangerneq taamaallaat atortussaatinneqassaaq peqqinnissaqarfimmi sulisumit piginnaatitaasumit taassuma piginnaatitaaffiata iluani aalajangiiffigineqarsimappat.

§ 3. Nakorsaatissiineq sunaluunniit napparsimasup journaliani takuneqarsinnaassaaq.

Imm. 2. Nakorsaasiussanut allattuiffik atorineqarpat nakorsaatissiineq napparsimasumut nakorsaasiussanut allattuiffimmut allanneqassaaq, nalunaarummi matumani malittarisassat naapertorlugit.

Imm. 3. Nakorsaasiussanut allattuiffik atorineqanngippat, peqqinnissamik sulisumit nakorsaatissiisumit nakorsaammik napparsimasumut ingerlaannartumik tunniussisoqanngippat nakorsaatissanut allagartaq nakorsaatissiinerit tamaasa atorineqartassaaq.

Nakorsaasiussanut allattuiffik

§ 4. Nakorsaasiussanut allattuiffiit qarasaasiakkut immersugassiarluunniit Peqqissutsimut Pisortaqaqfimmit akuerineqarsimasoq atorlugu allattorneqassapput.

Imm. 2. Napparsimasut tamarmik immikkut nakorsaasiussanut allattuiffilerneqartassapput allattuiffillu taanna napparsimasup journalianut ilaatillugu toqqortarineqassalluni.

§ 5. Nakorsatissiinerit tamaasa napparsimasumut nakorsaasiussanut allattuiffimmi makku allanneqartassapput:

- 1) ulloq nakorsaatissiiffik,
- 2) peqqinnissaqarfimmi sulisup nakorsaatissiisup aqqa, atorfia immersugassiallu pappiaqqat atorineqartillugit taassuma atsiornera,
- 3) nakorsaatip suunera nioqqutissialluunniit taaguutaa,
- 4) atorineqarnissaa annertussusilerneqarneralu,

- 5) sakkortussusia annertussusialu,
- 6) pisariaqartinneqarnera, aamma
- 7) nakorsaatip qasseriarlugu qanorlu akuttussuseqartillugu tunniunneqartarnissaa pillugu paasissutaasinnaasut.

Imm. 2. Nakorsaatissiineq naappat naaffia atorunnaarsinneqarnerata ullua ilanngullugu nakorsaasiussanut allattuiffimmut allanneqassapput.

Imm. 3. Nakorsaatissiineq killilimmik piffissaligaanngitsoq imaluunniit atorunnaarsitaasimanngitsoq nakorsaatissiinerup ullulernerqarneraniit ukioq ataaseq atuutissaaq.

Nakorsaatissanut allagartat

§ 6. Nakorsaatissanut allagartat qarasaasiakkut immersugassiarluunniit Peqqissutsimut Pisortaqarfimmit akuerineqarsimasoq atorlugu allattorneqassapput.

Imm. 2. Nakorsaatissanut allagartat erseqqissumik atuaruminartumillu allaffissiamut ataatsimut allataassapput. Nakorsaatissanut allagartat naalisaanernik imaluunniit ilisarnaatinik paasinninnissamut nalornissutaasinnaasunik imaluunniit nakorsaatissanut allagartaliisup aamma nakorsaammik tunniussisup akornanni qanoq isumaqatigiittoqarsimaneranik apeqquusiisoqartariaqarfiusunik imaqaassanngillat.

§ 7. Nakorsaatissanut allagartaq paasissutissanik makkuninnga imaqaassaaq:

- 1) ulloq nakorsaatissiiffik,
- 2) nakorsaatissiisup aqqa, atorfia atsiorneralu,
- 3) napparsimasup aqqa aamma CPR. normua, imaluunniit napparsimasoq CPR. normoqanngippat inuuia,
- 4) nakorsaatip suunera nioqqutissialluunniit taaguutaa,
- 5) atorneqarnissaa annertussusilerneqarneralu,
- 6) sakkortussusia annertussusialu,
- 7) pisariaqartinneqarnera, aamma
- 8) nakorsaatip qasseriarlugu qanorlu akuttussuseqartillugu tunniunneqartarnissaa pillugit paasissutaasinnaasut.

Imm. 2. Nakorsaatissanut allagartaq nakorsaatissiinerup ullulernerqarneraniit ukioq ataaseq atuutissaaq.

§ 8. Nakorsaatissanut allagartaq nakorsaatit amerlanerusut taanna atorlugu tunniunneqarsinnaajunnaarpata atorunnaarnera pillugu uppersarsarlugu atsiorneqaassaaq.

Atuutilerfia

§ 9. Nalunaarutatuutilerpoq ulloq 1. januar 2006.

Namminersornerullutik Oqartussat, ulloq 14. november 2005

Asii Chemnitz Narup

/

Søren Rendal

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut